

摘藻堂四庫全書薈要

史部

欽定四庫全書薈要

史部

御定資治通鑑綱目三編卷二

詳校官編修臣汪鏞

欽定四庫全書薈要卷七千四百十四 史部

御定資治通鑑綱目三編卷二

起癸丑明太祖洪武六年盡
丙寅明太祖洪武十九年

凡十四年

癸丑年春正月觀天下府州縣官



是元年春府州縣吏來朝諭曰天下新定百姓財
力俱困如鳥初飛木初植勿拔其羽勿撼其根惟庶
者能約己而愛人貪者必腹人以肥己爾等戒之至
是觀府州縣官賜酒食明日陞辭諭之曰慈祥愷悌
身之德也刻薄殘酷德之賊也若偽為慈祥必無
仁愛之實偽為愷悌必無樂易之誠爾等勉之

質

實

明會典洪武初外官每年一朝二十九
年始定以辰戌丑未年為朝覲之期

選朝天宮道士供事郊壇

天地社稷山川
香幣皆令司之

質實

朝天宮在上元縣西即吳治城宋天慶觀也明初改名

免遼東金復二州稅

遼東金復二州去年
早稅糧不供詔免之

質實

金州本高麗南蘇城唐置金州金改蘇州後改金州

元廢明改衛今改寧海縣復州遼置金
因之元廢明改衛今復州屬奉天府

汪廣洋罷為廣東行省參政

時左丞胡惟庸專省中事
廣洋無所建白故黜之

二月停科舉命有司察舉賢才

郊壇理宜誠肅
駿奔執事豈宜
司以羽流當時
議禮諸臣如劉
基宗濂詹同輩
俱博古而達於
政體何不聞一
言匡正耶至嘉
靖時而齋醮事
興益以崇尚道
教為務斯其濫
觴矣

帝初以官多閑員舉人俱免會試赴京曉選正月以
衆人蔣學閔銑為起居注傅宗歲在辛為給事中趙
震殷格為翰林應奉又擇其年少俊異者張唯王輝
李端張昉為翰林編修蕭韶為秘書監直長繼又以
王達張珣任改馬亮陳敏俱為編修入禁中文華堂
肄業命贊善大夫宗庶等為之師帝政暇親臨其
文日給光祿酒饌每食皇太子親王選為之主歲時
賜賚甚厚二月以有司所取多後生少年有文無實
遂置罷科舉更令有司察舉賢才以德行為本大藝
次之其目曰聰明正直曰賢良方正曰孝弟力田曰
儒士曰孝廉曰秀才曰人材曰耆民皆禮送京師不
次擢用而各省貢生亦由太學以進於是罷科舉者
十年帝又嘗令國子生習射射諭之曰古之學者文
足以經邦武足以戡亂故能出入將相定安社稷今
天下承平爾等雖務文學亦豈可忘武備耶

命御史及按察使考察有司

射為六藝之一
古者教士所必
資而澤宮之典
尤重自後世文
武分途專以射
為武事於是習
文者不復究心
正鵠襲衣博帶
於此禮此樂之
道問之茫然此
古今異宜所不
能強也明祖諭
國子生習騎射
未嘗不有志法
古然謂如此即
足以經邦戡亂

命御史臺令監察御史及各道按察司察舉天下有
司有無過犯奏報黜陟帝諭臺臣曰君子有犯或出
於過誤可以情恕小人不主明貽民患故朕於庶能
之官雖或有過常加宥免若貪虐之徒雖小罪不赦
也
質實
此考察之始明史選舉志考察通天下內外
官計之其目有八曰貪曰酷曰浮躁曰不及
曰老曰病曰罷曰不謹涼官六年以己亥歲四品以
上自陳取上裁五品以下分別致仕降調閒住為民
具冊奏請為之京察自弘治時定以外官長成且未
年朝覲之期隨舉行察典謂之外察州縣以月計上
之府府上下其考以歲計上至布政司至三威撫按
通核其屬事狀造冊具報麗以八法而處分察例有
四與京官同迄今相沿行之不
廢為之大計計處者不復敘用

則期望不免過
奢而其時亦未
聞成均有嫻於
武備者則仍不
過虛文相尚耳

三月癸卯朔日有食之

設六科給事中

明初統設給事中学侍從規諫補闕拾遺至是分為
吏戶禮兵刑工六科各設給事中二人凡十二人後
增至八十一人稱元士二十二年改為源士二十
四年每科增都給事中一人左右給事中各一人
實給事中正五品洪武四年改正七品後增給事中
共四十人都給事中正八品左右給事中從八品
給事中正九品建文中改都給事中正七品給事中
從七品不置左右給事中永樂中仍置左右給事中
亦從
七品

頌昭鑒錄戒諸王

先是命陶凱張籌等采拉漢唐以來舊王著惡可為
勅或者會凱出參行省編輯未成於是名文原吉王
俱等續修之書成二卷
質實張籌字惟中無錫人
賜名昭鑒錄頒賜諸王
王俱字白度祥符人
明太祖謂秦王傅文原吉等曰朕於諸子當切諫之
此書必時時進說使知所警戒趙伯魯之失商漢
淮南之招客過猶不及非所望止是帝之於諸子虎
之非不深教之非不切然而幾多過失倘有異謀至
於患成之間聚深尋斧蓋以裂地而封
勢成寵偏又宜空言之所能禁制哉

命徐達等帥師鎮山西北平

先是帝命徐達李文忠練兵山西北平尋召還至是
以元兵窺塞乃命達文忠及馮璽鄧禹湯和等帥師
往鎮以備之初元宗遣四大王進逼奇嵐山中結寨
自固尋出攻武州指揮程柱等擊敗之已而國公魯

爾等侵遼安殺知縣永平衛指揮楊某與戰死之指揮樊某率兵來援敵引去追至董家口敵返兵接戰樊亦死之遣駐臨清遣文忠及顧時傳友德等統騎兵勝和及俞通源朱亮祖等統步兵分駐山西北平相機備禦元兵復侵武朔等州遣俱達將擊走之河州土門峽遣營千戶五才戰死保德河曲為元將昔賢努等所陷太原右衛千戶馮銘追擊之復其地指揮使常守道王約等追元遺兵斬其左丞相河圖克擒平章鼎鼎達又自大同遣將掩捕武平章等於懷柔縣之三角村

質實

奇嵐山在奇嵐州北百里

奇嵐州宋奇嵐軍今升州元為嵐州地明置縣屬太原府尋升州今因之武州唐置元順寧府明洪武四年廢府永樂中為宣府鎮宣德五年置萬全都司今宣化府還安縣金置元屬永平路明屬永平府今因之永平衛在永平府南董家口關在撫寧縣東北七十里朔州後魏置元屬大同路明屬大同府今屬朔

平府土門關在河州西九十里保德州宋軍金置州
元因之明屬太原府今置直隸州河曲縣金置元省
入保德州明初復置屬太原府今屬保德州懷柔縣
唐置元廢明復置屬順天府今因之三角村在縣東
北○魯兒舊作驢兒普賢努舊作普賢奴瑚
圖克舊作忽都鼎鼎舊作定定今並改

夏四月定開國勲臣謚號

楚國公廖永安謚武閔豫國公俞通海謚忠烈蔡國
公張德勝謚忠毅高陽郡公耿再成謚武壯越國公
胡大海謚武莊梁國公趙德勝謚武桓以永儀侯桑
世傑與漢光武封袍甸為承義侯景丹為奉義侯同
不重謚初帝定金陵以元御史大夫福壽死節為之
立廟至是復議贈其官禮部言元已贈福壽浙江行
省左丞相上柱國追封衛國公謚忠肅宜仍其舊帝
是之今春秋遣官致祭諭侍臣曰疾風知勁草板蕩

識忠臣其福壽之謂乎

質實

福壽唐古人○唐古舊作唐元今改

六月京師城成

城周九十六里門十有三從復建外郭周一百八十里門十有六

質實

內為宮城外為京城門十

三面曰正陽南之西曰通濟又西曰影實西南曰三山曰石城北曰太平北之西曰神策曰金川曰鍾阜東曰朝陽西曰清涼西之北曰定淮曰儀鳳其外郭洪武二十三年建門十六東曰姚坊仙鶴麒麟滄波高橋雙橋南曰上方夾岡鳳臺大馴象大安德小安德西曰江東北曰佛寧上元觀音

元庫庫特穆爾侵燕門

守關指揮吳均率衆拒之自卯至午大呼曰援兵至矣衆皆踴躍欲戰元兵聞之解去均追擊敗之

免河間開封延安汾州被災田租

北平河間河南開封陝西延安
諸府蝗山西汾州旱詔免其租
質實

河間漢國元路
明改府今因之

延安隋郡元路明改府今因之
汾州後魏置
元屬冀寧路明萬曆二十三年升府今因之

秋七月命戶部稽各省水旱災分數優恤之

以胡惟庸為右丞相陳寧為御史大夫

自汪廣洋罷帝以惟庸為才竊任之所為多稱旨遂
至大用寧性殘刻以惟庸薦擢居憲臺益務威嚴帝
屢責之寧
不能改

八月建歷代帝王廟

皆杖用不妨府
州縣專決徒流
則當申轉施行
議死以上并應
隨事上之於朝
臨候或處舉令
月報季報已恐
懸崖索而玩獄
情若因有司受

九月定有司季報歲報

帝以御史答祿與權等言詔祀三皇乃命禮官考定
五帝三王及漢唐宋創業之君俱於京師立廟致祭
其餘守成賢君今有司立
質實 建歷代帝王廟於欽
使廟皆每歲春秋祭之 天山之陽同堂異室
祀三皇五帝夏商周文王武王漢高祖光武唐
高祖太宗宋太祖元世祖已而寢祀周大王唐高祖
增祀隋高祖昇龍與權字道夫其先樂
部人有別號答祿者子孫因以為氏

初府州縣戶口錢糧學校獄訟每月具書於冊縣建
州州建府府建行省額咨中書吏牘煩碎公私多廢
費人有司決獄皆五十者縣決之秋今者州決之一
百者府決之徒以上具獄送行省移駁繁而賄賂行
帝命中書省御史臺詳報年月報為季報以季報之
數類為歲報凡府州縣獄因依律斷決毋俟轉發其

賊吳法收謀多
淹則當示以懲
勸使知努力乃
轉改月為季改
季為歲并令府
州縣不得轉移
斷決是益假以
急竣之期且吏
殺其高下之便
即御史按察實
能糾劾而民之
冤抑已多況上
下相蒙未必盡
皆察於文時
雖省而後弊已
滋明代吏治不

有違枉者御史按察司糾劾至二十六年定制布政
司及府州縣管杖就決徒流軍雜犯死罪解部審錄
具死因所坐罪名上部詳議如律者大理寺議覆平
允監收候決不如律者駁回改正再問駁至三改擬
不當將官吏奏聞謂之照駁因有翻異改調別衙門
問擬二次不服則具奏會九卿決之謂之圓審三四
訊不服而後
請旨決焉

冬十一月潞州貢人參却之

帝曰人參得之甚艱毋重勞民往者金華進香米太
原貢葡萄酒俱止之國家以養民為務奈何以口腹
累人

振真定饑

此等集議之作
法於涼乎

閏月錄故功臣子孫

功臣早世思未及嗣者錄凡二百九人後又錄
丁忠等五百十一人授指揮千百戶等官有差

定大明律

先是嘗頒律令恐民不能周知命大理卿周損等為
之直解又令儒臣同刑官講唐律日進二十餘條至

真定府晉州冀州趙州饒陽新河武邑諸縣歲詔兵
部尚書劉仁等振之初饒陽知縣郭損見邑中大盛
民食草實木皮遂以上聞帝覽其奏復咨訪得晉
冀等州皆饑乃命仁等往各縣州振之賜其賦稅
實晉州元置屬真定路明屬真定府今因之冀州後魏置明屬真
定府今直隸州趙州北齊置明屬真定府今直隸
州饒陽漢縣明屬晉州今屬深州新河五代時為鎮
宋置縣武邑漢縣明並屬冀州今因之劉仁武昌人

是重命刑尚書劉惟謙詳定大明律每奏一篇揭兩
底親加裁酌明年二月書成篇目一準於唐採用舊
律二百八十八條續律一百二十八條舊令改律三
十六條因事制律三十一條批唐律以補遺百二十
三條合六百有六條分爲三十卷至
三十年作大明律告成頒行天下
劉惟謙明史附周損傳不詳何許人大明律篇目曰
衛禁曰賊制曰戶婚曰廩庫曰擅興曰賊盜曰關訟
曰詐僞曰雜律曰捕亡
曰斷獄曰名例凡十二

發明

明太祖初懲元季廢弛刑用重典後屢詔釐
正至三十年中盡一之制令子孫世守羣臣有

稍議更改即生以變亂祖制之罪又詔內外風憲
官以講讀律令考校有司欲使人知律意日久視
爲具文於是奸吏翫法任意輕重因律起例因例
生例例愈紛而弊無窮至律有取自上裁臨時處

治者因罪在八議與一切疑獄又律無明文者設
非謂任情生殺之也英憲以後欽恤獄而偵伺纖
巨悉罪如山猜而中肯綮之不問或無同無辜而
片紙付詔獄為高尤烈錦衣之獄太祖禁不復用
而成祖建之東廠之設始於永樂作法不
臧末流滋甚權移風衛而律意不可問矣

甲寅七年春正月遣將屯田河南山東北平

帝初立民兵萬戶府寓兵於農又令諸將屯兵龍江
諸處惟康茂才績最詔褒之四年詔河南山東北平
陝西山西及直隸淮安諸府屯田且勿征三年後畝收
租一斗六年太僕丞梁額森特穆爾言寧夏四川土
膏沃宜招集流亡屯田至是從之以河南山東北平
建置兵衛而餉勞民供乃命都督僉事王簡往彰德
王成往濟寧平章李伯昇往真定經理屯務明年又命
鄧愈等諸將分定陝西河南北平官失犯罪謫鳳陽

倭在元時未嘗
有侵掠海疆之
事蓋由厥命所
攝不敢橫行觀
其酋長之言謂
欺我小邦供米
誅我則其畏服
元朝情辭畢見

遣總兵官吳禎巡海備倭

屯田民犯流罪者鳳陽輸作一年然後屯種命李善
長朱亮祖俞通源撫諭諸屯勸農課事又因海運餉
遠有溺死者遂益講屯政天下衛所州縣軍民皆事
懇闕其制移民就寬鄉或召募或罪徙者為民屯領
之有司而軍屯則領之衛所邊地三分守城七分耕
作內地二分守城八分耕作人授田五十畝給以牛
種教樹植復租賦民以不困而軍餉饒○
梁額森特穆爾舊作梁生像帖木耳今改

先是帝遣使倭因告以即位且詰入寇之故其王良
懷不受命已又遣使秩齋詔往諭良懷見之曰佳者
蒙古欺我小邦今其臣趙姓者來誅我今新天
子即位使者亦姓趙豈蒙古裔耶目左右將刃之秩
不為動嚴詞責之良懷氣沮下堂延秩禮遇甚優遣
其僧祖來奉表稱臣貢方物帝以其俗佞佛可以西方教

矣明初遣使招
徠致令船流往
誘徒為所輕忽
而恣其傲慢朝
貢未久寇掠旋
熾遂有巡海備
倭之役終明之
世倭孽時聞皆
由於姑之召侮
可見控禦外夷
之道但當震以
聲靈使其凜不
敢犯如或輸誠
效順則因而示
以柔懷若無端
與之聘問往來

誘也遣僧祖闡等送使者還賜良懷大統歷及羅緞
等物祖闡等至為其國演教國人頗敬信而良懷故
無禮拘之二年始放歸倭寇掠如故乃以稍充總兵
官都督於顯副之總江陰四衛軍出海至琉球大洋
獲其兵船獻俘京師其後屢遣僧奉貢但齋書上中
書省而無表帝却勿受命禮部移牒責之并諭以欲
征之意良懷上表詞多倨慢乃專務海防帝著祖訓
列不征之國十五日本與焉自是朝貢不至而海上
之警亦息

質實 琉球在福建泉州府之東海中接漳泉興
福四州界其國王初姓歡斯氏名渴刺兜

至元末國分為三有三王曰中山曰山南曰山北皆
以尚為姓趙秩官萊州府同知不詳何詳人趙姓趙
良弼事見元史日
本傳於顯黃梅人

二月丁酉朔日有食之

妄為引致鮮有
不損因感而啓
戒心者也

免濟南平陽太原汾州等州縣被災田租

先是正月振松江府水災八千餘戶戶賜錢五千是
月以濟南府歷城等縣蝗平陽太原府汾州及衛輝
府汲縣早皆免租蘇州府屬縣
民缺食遠官發米麥振貸之
縣明為衛輝府
治今因皆之
質實
歷城漢縣明為
濟南府治汲漢

修曲阜孔子廟

立孔顏孟三氏子孫
為教授俾訓其族人

三月方國珍卒

國珍以至正二十七年來降幕下士居鼎為表乞哀
甚至帝心憐之赦之趣入朝授廣西行省左丞食祿

不之官至是
卒於京師

質實

唐鼎寧
海人

夏四月都督藍玉拔興和

時元將托音特穆爾守興和玉大敗其衆於白酒泉
擒國公特爾默齊及官屬五十九人托音特穆爾棄
城質實白酒泉在故興和城西南○托音特穆爾舊
走脫因帖木耳特爾沒齊舊作帖里蜜赤今
並改

五月日曆成

學士承旨詹同請編日曆命同與宋濂為總裁官吳
伯宗等為纂修官自起兵臨濠至十年冬征伐禮樂
政刑反羣臣功過四夷朝貢皆載焉既成共一百卷
名曰大明日曆藏之金匱於是濂等復請徵唐太宗

貞觀政要分類更輯凡四十類分為五卷名皇明
寶訓嗣後凡有政績史官日記錄之檢為增入

免真定等四十二府州縣旱災田租

減蘇松嘉湖極重田稅之半

帝既振蘇州饑民三十萬戶以蘇松嘉湖四府租稅
太重命戶部計其數如畝稅七斗五升者除其半

六年汰北方府州縣官

帝以北方郡縣民稀事簡命吏部量減
河南山東北平府州縣官凡三百八人

陝西雨雹山西北平河南山東蝗詔蠲其租

秋七月李文忠拔高州

三月文忠奉命同徐達以所統將士分布山西北平
屯駐因遣兵出塞獲元平章鄧博羅特特穆爾尋遣
裨將至塞音布拉克擒陳安禮至順寧斬其將珠展
魯至朔州擒太尉已延布哈至是文忠復自率兵攻

高州大石崖拔之斬宗王托克托實勒擒承旨伯嘉
努追奔至羶帽山擊斬魯王獲其妃及司徒達哈勒

濟等九月燕山都衛指揮使朱果通州衛指揮僉事
張斌等率師出古北口防秋卒遇寇皆力戰死帝命

厚恤其家
質實
高州遠置明廢故城在今喀喇沁故
太寧城西北羶帽山在故大寧城北

通州衛在通州治南汝寧衛明初建於汝陽尋廢為
千戶所塞雲衛中衛在塞雲縣治東右衛在古北口

○鄧博羅特特穆爾舊作鄧亭羅貼木兒珠展魯舊
作真珠驢托克托實勒舊作朶朶失理伯嘉努舊作

百家奴達哈勒濟舊

作答海俊今並改

倭寇膠州

官軍擊敗之寇大任海口百戶許彰追之戰死

質實

膠州元置明初屬青州府尋屬萊州府今因之

大任海口

在即墨縣

八月申定兵衛之制

帝以前代兵多虛數監其失置內外衛所凡一衛統十千戶一千戶統十百戶百戶領總旗二總旗領小旗五小旗領軍十皆有實數至是重定其制大率以五千六百人為一衛而千戶以下所領之數則同遇有事征調則分統於諸將無事則散還各衛管軍官員不許擅自調用操練撫綏務在得宜違者俱論如律

振河間廣平順德真定饑

質實

順德元路明
改府今因之

九月遣崇禮侯密迪哩巴拉北歸

遣老成宦官二人護
行并遣元嗣君書

冬十一月定服制

孝慈錄所定服制輕重頗允乃制書甫頒而太子輒敢徂私意以違父皇之旨且恃屬居嫡長泥舊說相爭孝道已虧尚何足

先是貴妃孫氏薨勅禮官定服制禮部尚書牛諒等奏儀禮父在為母服期庶母則無服帝曰父母之恩一也低昂若是不情甚矣命儒臣考定宋濂等考古人論服母喪者四十二人願服三年者二十八人服期年者十四人帝曰三年之喪天下通喪人情所安即天理所在乃定制子為父母庶子為其母皆斬衰三

與言禮乎然爾
時太子之所以
抗帝之所以怒
羣臣之所以震
撼實出於帝之
沽名好古有以
啓之又誰怨乎

年適子衆子為庶母皆齊衰杖期五服喪制皆有升
降書成帝親為序命曰孝慈錄頒天下時貴妃無子
命吳王據行慈母服斬衰三年主喪事皇太子及諸
王皆齊衰杖期太子曰在禮惟士為庶母服總大夫
已上則無服今陛下貴為天子臣忝居嫡長而為庶
母服期非所以敬宗廟重繼體也不敢奉詔帝大怒羣
臣震讐不知所出正字桂彥良言於太子曰殿下當
緣君父之情不可執小禮以虧大孝因持衰服之太
子乃服以拜
謝帝怒始解

質實

貴妃孫氏陳州人牛諒字士良東
平人桂彥良名德偶以字行慈溪

人

高麗李仁任弒其王顥

顥無子以寵臣辛旽之子禰為嗣仁任弒顥立禰又殺
朝廷使者而遣使告喪陽言朝使實盜所殺今已誅

之帝疑其詐拘其使而遣使弔祭已仁任又為故事
請諡帝曰是欲假朝命以鎮撫國人且掩其弒逆事
不許釋前使還自
是朝貢皆不納

乙卯八年春正月命有司察窮民

令天下郡縣訪窮民無告者月給衣食無依者給屋
舍諭中書省曰昔吾在民間日擊鰥寡孤獨饑寒困
踣之徒常自厭生恨不即死心常惻然今代天理物
已十餘年若天下之民有流離失所者非惟昧朕之
初志於代天之功亦不能盡爾等為輔相
當體朕意不可使天下有一夫不獲也

詔天下立社學

帝以京師郡縣皆有學而鄉社之民未沾教
化命有司更立社學延師儒教民間子弟

河決開封

懷大黃寺堤百餘丈詔河南參
政安然集民夫三萬餘人塞之

質實

開封黃河自河南府鞏縣流入境

經汜水縣北與懷慶府溫縣分界又東經鄭州北與懷慶府原武縣分界又東南流經中牟縣北陽武縣南又東經祥符縣北又東經封邱縣南又東經陳留縣北又東經蘭陽儀封二縣北入歸德府考城縣界大黃寺堤即帚頭堤在開封府東北四十里安然祥符人

二月帝耕籍田

三月立鈔法

時中外各置局鑄錢有司責民出銅毀器物輸官頗以為苦而商賈沿元之舊習用鈔多不使用錢乃詔

中書省造大明寶鈔其等六曰一貫曰五百文四百文三百文二百文一百文每貫準錢一千銀一兩四貫準黃金一兩禁民間不得以金銀貨物交易者罪之稅課錢鈔兼收錢什三鈔什七百元以下止用錢逆罷寶源寶泉局越二年復設寶泉局鑄小錢

質實

洪武七年設寶鈔提舉司是年詔中書省造大

明寶鈔以桑穰為料其制方高一尺尺廣六寸質青色外為橫文花欄橫題其額曰大明通行寶鈔其內上兩旁復為篆文八字曰大明寶鈔天下通行中國錢貫十串為一貫其下云中書省奏準印造大明寶鈔

與銅錢通行若五百文則畫錢文為五串餘如其制而遞減之

發明

鈔法始於唐之飛錢宋之交會金之交鈔元世

之禁至鈔多則賤久則敝倒鈔有工墨之需偽造較治範為易非良法也是以明初錢鈔並行嚴禁

金銀貨物交易而兩浙西西閩廣民間重錢輕鈔
有以錢百六十文折鈔一貫者物價翔貴而鈔法
益壞至宣德初米一石用鈔五十貫後乃益嚴其
禁交易用銀一錢者罰鈔千貫賊吏受銀一兩者
追鈔萬貫更追免罪鈔如之及成化時鈔一貫不
能直錢一文至弘正間鈔法遂廢蓋推宜之法不
可以為經久之制也

免河間府州縣旱災田租

戶部言洪武四年北平河間府獻州交河縣旱災饑
民流移者一千七百三十戶荒田三百三十餘頃至
今租稅無質實獻州金置洪武八年四月改縣交
河縣宋置明俱屬河間府今皆因之

賜德慶侯廖永忠死

初韓林兒在滁州帝為吳王遣永忠迎歸應天至瓜步覆其舟死帝以咎永忠及大封功臣帝曰永忠戰都陽忘軀拒敵可謂奇男子然使所善儒生窺朕意逃封爵故止封侯而不封公後與楊憲相比憲誅永忠以功大得免至是坐僭用龍鳳諸不法事賜死永忠勇而善謀平兩廣善撫綏民為立祠克重慶禁侵掠卒取民七站立斬之蜀人感其威惠遂降既死子權嗣侯

質實

瓜步在六合縣東二十五里

發明

永忠之死明實錄諱之曰甲申德慶侯廖忠忠卒上賻遺之甚厚而寧憲王通鑑博論記

丙午年事云是歲廖永忠沉韓林兒於瓜步大明惡永忠之不義後賜死博論於洪武二十九年奉勅編定既成表上之則其言非無稽也是以劉辰國初事蹟王世貞史乘考誤俱以為永忠被誅夫林兒僭號十二年明祖固用其年號矣崛起之勢不無憑藉猶漢高之於楚心先武之於更始也如

永忠者其黥布
謝祿之流乎

免驛夫田租

帝念天下驛傳馬夫供億倍於他役詔免其租田以
地有閒劇後有煩簡定自京會同館至宿州驛十三
南至京師西出秦晉北抵燕薊勞最甚租全免自百
善道至鄭州當秦晉二道勞次之免三之二自滎陽
至陝西山西北平驛百十
十一又次之免三之一
質實 百善道驛在宿州西
七十裏寰宇記云古
百戰道也滎陽漢縣明
屬鄭州今屬開封府

夏四月帝如中都祀天地於圜丘謁陵至自中都

質實

明祖陵在鳳陽府西
南十二里太平鄉

免彰德太名臨洮平涼河州被災田租

質實

大名五代漢置府元改路明仍為府今因之

罷營中都

帝祖欲如周漢創建兩京至是以勞費罷其後

誠意伯劉基卒

基佐帝定天下工謀畫料事若神暇則數陳王道帝
以此張子房常呼先生而不名然性剛急惡胡維庸
深忌之初甌括間有隙地曰談洋為鹽盜藪基奏立
巡檢司守之奸民弗便也合進軍為亂吏匿不以聞
基令長子璉奏其事不先白中書省惟庸方掌省事
怒使吏訐奏談洋地有王氣基圖為墓迫逐居民以

致亂基坐奪俸帝初欲相惟庸基不可既而惟庸相
基曰使吾言不驗蒼生福也憂憤成疾惟庸扶醫往
視飲其藥如有物積腹中遂篤帝遣使護歸居月餘卒基
在元時得天文書於燕市一夕成誦已為高安丞進
賢鄧祥甫精象緯學盡以其術授之愈動其要及將
卒以天文授子建曰亟上之母令後人習也世傳基
事多神奇然帝嘗言基數以孔子之言導質實
予是知陰陽風角之術基所重不在此謂溫

州處州二府溫州於漢為東甌國治唐置溫州元路
明府今因之處州亦漢東甌地隨初置處州治括蒼縣
開皇十二年改括州詳見二年談洋隘在處州府青
田縣南二百七十里接溫州府瑞安縣界高安唐縣
明瑞州府治進賢唐鎮宋縣明屬
南昌府今皆因之劉建宇孟藻

五月遣中官趙成使河州

自鈔法行西番馬至者少帝遣成齋羅綺及已恭往
河州市之馬稍集率厚其值償之中官奉使至此始
成尋為多爾
濟巴勒所殺
實實
多爾濟巴勒舊作
桑兒只班今改

秋七月己未朔日有食之

詔百官奔喪母俟覈報

北平按察司僉事呂本言近制士大夫出任在外聞
父母喪必待移文原籍審覈俟其還報然後奔喪近
者彌月遠者半年請自今官吏若過親喪其家屬陳
於官移文任所即令奔赴然後覈實帝深然之故有

是命
質實

呂本壽
州人

京師地震

十二月

復震

免應天太平寧國鎮江及蘄黃諸府旱災田租

先是六月景州滄
州河間旱俱免租

質實

景州唐置明屬河間府今因
之滄州後魏置明屬河間府

今屬天津府河間縣高齊
置明河間府治今因之

八月元庫庫特穆爾卒

白元帝時遣使通好於庫庫特穆爾留使者不遣前
後七致書皆不答既出塞復遣人招之亦不應帝益
心敬之嘗大會諸將問天下奇男子誰也皆對曰常
遇春帝曰遇春雖人傑吾得而臣之吾不能臣王保
保乃奇男子耳竟冊其妹為秦王妃保保庫庫特穆
爾小字也劉基亦嘗言於帝以庫庫特穆爾未可輕

及徐達敗後大兵稀出塞庫庫時穆爾從其主徒金山至是卒於哈喇諾海之衙度其妻毛氏自經死

質實

哈喇諾海在和林北。哈喇諾海舊作哈刺即海改之。

九月遣湖廣參政吳雲使雲南為所殺

帝以雲南未下再遣使招諭會梁王使其臣鐵知院等使漠北為官軍所獲帝釋之命與雲偕行知院等以已奉使被執且得罪乃誘雲改制書詐為元使者給梁王雲以死拒知院等殺之

質實

吳雲宜與

人

冬十月改都衛為都司

帝初置各都衛指揮使司節制方面至是詔改為都指揮使司凡都司十有三北平陝西山西浙江江西山

東四川福建湖廣廣東廣西遼東河南行都司三西
安大同建寧十五年增至貴州雲南二都司二十年
置大寧都司二十七年置四川行都司於建昌宣
德中置萬全都司成化中置湖廣行都司於鄖陽

實

明史職官誌都司正二品貴州元置八番順元等
處軍民宣慰使司隸四川行省明洪武四年置貴

州宣撫司永樂十一年設貴州等處承宣布政使司
今因之大寧速中京大定府元大寧路明大寧衛今
喀喇沁右翼南有改大寧城址明洪武二十年置大
寧都司明年改北平行都司永樂元年仍為大寧都
司從保定以大寧地界采顏三衛萬全元宣德府宣
平縣地明洪武二十六年置德勝堡永樂二年移全
全右衛治此今改萬全縣屬宣化府萬全都司見六
年武州注建昌南詔置府元路明改衛今寧遠府鄖
陽晉鄖鄉縣元鄖縣屬均州明初因之成
化中置府今因之行都司成化十二年置

十二月陝州人獻天書誅之

州民有妄言得天書惑衆者命斬之

振蘇州湖州嘉興松江常州太平寧國杭州水災

先是六月高郵州水免租六萬三百餘石仍振之十月以開封府祥符杞陳留封邱蘭陽商水西華及睢州淮安府鹽城水詔皆免其租

納克楚侵遼東都指揮使馬雲葉旺擊敗之

帝以納克楚必至勅雲等預為備未幾果至見備禦嚴不敢攻越蓋州徑趨至金州指揮韋富王勝等伏弩城下擒其驍將羅喇呼敵大沮沿柞河遁旺先引兵扼河緣河壘冰為牆沃以水經宿凝涇如堅城旁

設坑穿敵至伏四起納克楚急趨連雲島過冰城旁
走悉陷穿中衆大潰雲自城中出合兵追擊至將軍
山必嚕河旺等乘勝逐至猪兒
峪斬獲無算納克楚僅以身免
質實 非河亦曰梓河
平縣南西流入海明設關於此將軍山方輿記要與畢
嚕河相近畢嚕河在蓋平縣東南九里里明一統志
源出蓋平縣東南山谷間流經復州衛入海通志源
有二一出布露山一出猪兒嶺南嶺至金州界內歸
服堡東入海唐書伐高麗劉仁愿出畢列道金史
里皆即此也猪兒峪邊防考在蓋州府口鼐喇呼舊
作乃喀吾畢嚕河舊
作必栗河今並改

丙辰
九年春正月命湯和等帥師鎮延安

元將已延特穆爾乞降帝召諸將悉還獨留傅友德備之
安已延特穆爾乞降帝召諸將悉還獨留傅友德備之

秋七月己酉特穆爾來侵友德破擒之降其衆。已延特穆爾舊作伯延帖木耳今改

二月太白晝見

自乙巳至於己酉凡五日三月壬申復見

三月免近畿及山西陝西河南福建江西浙江北平湖

廣田租

詔以比年西征北伐及秦晉二府宮殿之役畿輔既竭煩勞外郡疲於轉運其淮揚安徽池五府及山西等八省今年租悉免之

質實

安慶宋軍慶元元年升府元路明初改寧江府洪武六年復曰安慶

府今

因之

以和尼齊為翰林蒙古編修

更其姓名

質實

和尼齊舊作
火你赤今改

曰霍莊

夏四月庚戌雨

京師自去年八月

不雨至是日始雨

五月癸酉霽

自庚戌雨至是

二十四日始霽

六月改行中書省為承宣布政使司

浙西江西福建北平廣西四川山東廣東河南陝西
湖廣山西諸行省俱改為承宣布政司罷行省平章

政事左右丞等官設布政使一員致左右參政各
一員後設左右布政使各一員復增置左右參議 質

實

職官志初改布政使秩正二品左右參政從二品十
三年改布政使正三品參政從三品十四年增置

左右參政正四品尋增設左右布政使十五年置雲
南布政使司二十二年定秩從二品參政從三品參
議從四品永樂十一年置貴州布政使司兩京不設
布按於旁近布按分公司帶管按察司明初置正三品
副使正四品僉事正五品十三年罷十四年復置并
置各道按察分公司二十九年改置分公司為四十一道

秋七月癸丑朔日有食之

免蘇松嘉湖水災田租

凡二十九萬九千四百餘石是月免永平旱災田租
仍振之十二月以蘇松嘉湖及常州太平寧國浙江

杭州湖廣荊州黃州諸府水

質實

永平隋平州北平
郡金為梁州元為

遼戶部主事趙乾等振之
永平路明政府荊州漢制唐為江陵府
元為中興路明改荊州府今並因之

閏九月詔求直言

以五星素度日月
相刑故有是詔

質實

按洪武實錄是年二月歲星
逆行入太微三月熒惑犯井四

月犯鬼五月太白犯畢井有客星大如彈丸白色止
天倉越數日益有光入紫微垣帝文昌尋入於張自
六月戊子至七月乙
亥凡四十八日乃滅

冬十一月平遙訓導葉伯巨應詔言事下獄死

伯巨上書言三事畧曰臣觀當今之事太過者三曰
分封太侈也用刑太煩也求治太速也先王之制大

都不過三國之一。今秦晉燕齊梁楚吳蜀諸國無不連城數十。異時尾大不掉。然後削其地而奪之權。則必生觖望。甚者緣間而起。防之無及矣。願及諸王未之國之先。節其都邑。減其兵衛。限其疆里。以待封諸王子孫。割一時之恩。制萬世之利。莫先於此。臣又觀歷代開國之君。未有不以任德結民心。以任刑失民心者。今用刑多裁。自聖衷治獄之吏。趨承意旨。深刻者多。功平反者獲罪。雖剛定舊例。減宥有差。然有寬宥之名。未見寬宥之實。所謂實者。誠在上不在下也。古之為士者。以登進為榮。今之為士者。以涸跡無聞為福。以受玷不錄為幸。以屯田工役為必獲之罪。以數言淫楚為尋常之辱。其始也取天下之士。網羅招徠。終無餘遺。有司數迫上道。如捕重囚。比至除官。多以貌選。所學非所用。所用非所學。居官一有差跌。苟免誅戮。則必在屯田工役之科。卒視為常。不少顧惜。此宣陛下所樂為哉。誠欲人懼而不敢犯也。竊見數年

來誅戮亦不少矣而犯者相踵至今宜存大體赦小過昔者周自文武至於成康教化大行漢自高帝至於文景始稱富庶致治之道固不可驟今陛下切切於民俗澆漓人不知懼乃致令下而尋改已赦而復收天下臣民莫知適從甚不稱陛下求治之心也臣愚謂求治之道莫先於正風俗正風俗之道莫先守令知所務風憲知所重今之守令不過具文案備照刷而已風紀之司不過聽訟讞獄而已非所以使民遠惡速罪為治之大者也古者教士於學俊造遞升論定復官任官後爵故成周得人為盛今天下諸生升太學者未數月遽選入官臣恐其人未諳時務上乖國政而下困黎民也開國以來選舉秀才不為不多所任名位不重自今數之在者有幾此皆求治太速之過書上帝大怒曰小子間吾骨肉遽下獄瘐死初伯巨將上書語其友曰今天下雖三事可患其二事易見而患遲其一事難見而患速縱無明詔吾猶將

言之况求言乎其意蓋謂分封也是年春帝以諸王
將之國告於郊廟有許修武事以脩外侮云云至十
一年後始相繼就藩故伯巨以為其患難見迨帝末
年燕王奉命屢出塞勢始強後因削奪稱兵遂有天
下人以乃伯巨為先見云時上書者又有海州學政
曾秉政刑部主事茹太素皆累萬言帝嘉秉政而林
太素尋又採太素疏中數事行之因命中書定奏對
式凡臣下上書言得失者文辭毋得過煩是年考較
錢穀策書空印事起主印吏及署字有名者皆逮繫
獄凡數百人帝以為欺罔守令署印者欲置之死佐貳
以下為軍遠方丞相御史皆知空印者無他莫敢諫
有諸生鄭士利者數曰上不知以為空印大罪誠得
人言之聖明寧有不悟適星變求言士利曰可矣乃
為書數千言以為深罪空印者恐奸吏得挾印紙為
文移以虐民耳文移必完印乃可今考較策書令兩
縫印非一印一紙縱得之不足用况不可得乎錢穀

之數府必合省省必合部凡省府達者去年戶部六七千里待策書既成而後用印則往來非期年不至故先用印而後書此權宜之務從來久矣且國家諸法必明示之而後罪犯者以其知而故犯之也自立國至今未嘗有空印之律一旦捕而誅之何以使受誅者甘心乎書成而泣曰殺我生數百人何所恨遂入奏帝怒寃使者士利笑曰吾業為國家言事自分必死誰為我謀獄其輸作江浦而空印者竟不免

質

實

海州東魏置明屬淮安府今直隸州江浦本六合縣地洪武九年分六合及滁州二州地置浦江縣

屬江寧府今因之葉伯巨字居升寧海人曾秉政南昌人茹太素澤州人鄭士利字好義寧海人

發明

伯巨所陳三事切中當時之弊而分封太侈尤為先見其言有曰昔賈誼勸漢文帝盡分

諸國之地空置之以待諸王子孫向使文帝早從誼言則必無七國之禍云若明祖深思伯巨之言

蔡子英受察罕特穆爾父子知薦故不忘故帥之恩力全匹夫之節正色凜然其與已延資中之齎鳩自隨者同一幡然不滓視危素輩之偷生倖免奚啻天

亦豈有燕藩不靖骨肉相殘之釁哉乃怒其離間至欲取而親射之何其溺親愛而忘遠害也不獨一傳之後事勢洞如觀火至於高煦宸濠相踵效尤福王之國幾竭府庫皆作法於涼貴階之偶奈何博求諫之虛名而棄扁倉之藥石哉

十二月遣元臣蔡子英歸和林

子英元至正中進士察罕特穆爾辟為參軍累遷行省參政元亡從庫庫特穆爾走定西庫庫特穆爾軍敗子英單騎走闕中入南山帝遣人繪形求得之傳詣京師至江濱亡去久之復被獲械過洛陽見湯和揖不拜抑之跪不肯燕火焚其鬚不為動其妻適在洛子英避弗見至京授以官不受退而上書畧曰陛下以萬乘之尊全匹夫之節不降天誅反療其病易冠裳賜酒饌授以名爵陛下之量包乎天地臣感恩無

極非不欲自竭犬馬但名義所存不敢輒渝初志自
惟身本韋布知識淺陋過蒙主將知薦躍馬食肉十
有五年愧無尺寸之功以報國士之遇及國家破亡
又復失節何復目見天下士哉臣被獲以來日夜思
惟咎往昔之不死至于今日分宜自裁陛下待臣以
恩禮臣固不敢賣死立名亦不敢偷生苟祿苟察臣
之愚全臣之志禁錮南海畢其餘命則雖死之日猶
生之年帝覽書益重之館之儀曹忽一夜大哭不止
人問故曰思舊主耳帝知終不可奪
質實 南山即終南山在西
命有司送出塞從其故主於和林
安府城南五十里西自鳳翔府郿縣入境連亘藍屋
鄠縣及長安咸寧四縣又東抵藍田縣界蔡子英永
寧人

巳丁
十年春正月翰林學士承旨宋濂致仕

漁年老艱於走趨帝命選良馬以賜為作良馬歌命詞臣成賦之每燕見必喜賜茶賜坐漁不能飲一日侍飲醉帝甚歡命羣臣咸賦醉學士張曰使後世知吾君臣同樂如此也至是年六十八賜告歸及歸後每歲一朝至則恩禮加厚

益秦晉燕三府護衛

秦府西安護衛益以羽林衛軍晉府太原護衛益以興武等衛軍燕府燕山護衛益以金吾左等衛軍所益各二千
質實 西安護衛隸陝西都司羽林衛掌守二百餘人
衛巡警名為親軍太原護衛隸山西都司後軍興武衛明初亦為親軍後隸後軍都督府燕山護衛隸北平都司後陞為親軍金吾衛明初為金吾侍衛親軍都衛府後改衛與羽林等號上十二衛

發明

初秦晉燕三府護衛各一千數百人葉伯巨已謂優以甲兵衛士之盛恐數世之後尾大

不掉宜及其未之國之先減其兵衛云云矣太祖既不從其言又從而加益之蓋以是三府者皆臨邊扼塞欲厚其勢以捍外侮耳於是晉燕二王尤被重寄數命統兵出塞大將皆受節制而怙寵憑強燕藩卒扶以搆逆不可謂燕貽之善也後乃漸懲其獎往往獻還護衛宗藩不過食租稅而已積重必返亦其勢歟

振蘇松嘉湖水災

夏四月遣鄧愈帥師擊吐蕃平之

初鄧愈克臨洮帝遣陝西行省員外郎許允德招諭吐蕃諸族而以指揮使韋正守臨洮會吐蕃來寇正

擊降之既而允德置元吐蕃宣慰司何索諾木袞布
詣鄧愈軍門降嶺西武靖王伯訥呼亦以詣部來降
遂移正使守河州時河州城邑空虛人骨山積衆欲
委去之正不可日夜撫巡勞徕不數年遂為樂土于是
烏斯藏攝帝師訥木扎勒已勒藏布及國公納木喀
薩丹巴嘉木燥等皆入朝置朵甘烏斯藏二衛其後
數遣使朝貢往往被吐蕃侵掠帝命愈為征西將軍
偕都督同知沐英討之分兵三道窮追至崑崙山俘

斬萬計留兵戍

質實

崑崙山元史志朵甘思東北有
大雪山番名伊拉瑪博囉即崑

諸要害而還

崙也按伊拉瑪博囉今名阿木尼瑪勒占木遜山明

師窮追至崑崙即此乃大積石元明誤以為崑崙也

韋正字正卿壽州人本姓竄為韋德成養子冒姓韋

德成初從帝渡江戰死○何索諾木袞布舊作何瑣

南普伯訥呼舊作卜納刺納木扎勒已勒藏布舊作

喃加已藏卜納木喀薩丹巴嘉木燥舊作南哥思丹

八亦監藏伊拉瑪博囉舊
作亦耳麻不莫刺今改正

五月詔韓國公李善長曹國公李文忠議軍國重事

中書省都督府御史臺事
悉總之議當然後奏行

振河廣水災

黃州常德武昌三府及岳州沔陽二州水戶給一錠
錢戶部主事趙乾州荆蕪邊緩斬之九月免浙西被
水田租振紹金
華衢州水田
質實 常德水府元路明政府今州隋
置元路明政府洪武九年降州
十四年復為府今皆因之沔陽梁郡元府明改直隸
州後屬承天府今屬漢陽府紹興宋置元路明政府
今皆因之鈔一錠又一貫也按食
貨志云錢一錠五千文則與鈔異

六月詔臣民言事實封達御前

命政事啟皇太子裁決奏聞

秋七月置通政使司

掌出納諸司文書章奏封駁之事

質實

職官志通政使一人正三品左

右參政各一人正五品

發明

前月甫詔臣民言事實封達御前矣至是遂置通政司考職官志通政司凡在外之題本

奏本在京之奏本並受之於早朝彙而進之有徑自進封者則參駁午朝引奏臣民之言事者有機密則不時入奏然其後奸蒿弄權以私人趙文華為通政劾疏至皆預為計則其壅蔽甚矣夫日理

萬幾出納之司固不可廢然惟宜收通以時戒其
沉滯而尤在人主之明察勤於訪覽若明之中業
左右大臣召覲且希屏臣雖曉曉廷訟褒如塞鑲
引奏之典既虛喉舌之權積重安能無染者哉

始遣御史巡按州縣

巡按之設蓋仿
漢時繡衣直指
遺意偶一行之
或可藉以察民
情隱而糾吏弊
乃竟定為員額
旋復重其事權
言事者既不免
於操切以致政
令紛歧而貪黷
者更易啟賄賂
苞苴之弊又或

俾詢民間疾苦庶察風俗申明教化所按藩服大臣
府州縣官諸考察舉劾尤專大事奏裁小事立斷按
臨所至必先審錄罪囚弔刷
文卷有故出入者理辦之

八月改建大祀殿於南郊

帝感齊居陰雨覽京房災異之說謂分祭天地情有
未安欲舉合祀之典命即園邱舊址為壇以屋覆之

曰大
祀殿

交通大吏上下
相蒙其貽害於
吏治民生者更
復不小從來有
治人無治法民之
疾苦吏之賢不肖
豈區區一巡按
遂能庶幾無耶

九月以胡惟庸為左丞相汪廣洋為右丞相

帝以惟庸才可倚寵遇日盛獨相數年生殺黜陟或
奏徑行內外諸司上封事必先關白四方躁進之徒
及功臣武夫失職者爭走其門饋遺金帛
名馬玩好不可勝數廣洋浮沉守位而已

冬十一月衛國公鄧愈卒

愈征吐蕃還卒於壽春年四十有一追封寧王謚武
順愈事母孝撫弟之幼孤有恩敬禮儒士簡重慎密
有士君子
之行云

丁亥冬至合祀天地於奉先殿

以大祀殿
工未成也

免河南陝西廣東湖廣田租

十二月乙巳朔日有食之

戊午十一年春正月封子五人為王

榕為蜀王栢湘王桂旅王模漢王植衛

王其後桂王封代模改封肅植改封遼

質實

格帝第十一子

郭惠妃生封成肅栢第十二子胡順妃生封荊州桂
第十三子郭惠妃生封大同模第十四子母部無名

疏封甘肅植第十五

子韓妃生封廣寧

徵天下布政司及知府來朝

命禮部課其殿最稱職無過者為上賜坐宴有過稱
職者為中宴而不坐有過而不稱職者為下不與宴

序立於門宴畢然後
退朝勤考覈自此始

三月詔秦王換晉王櫛之國燕王棣周王橐楚王楨齊

王搏駐雲陽

詔奏事毋先白中書省

夏四月元阿裕實哩達喇卒

于特古斯特木爾嗣帝兩遣使往弔自為文祭之○十
月歸元平章旺扎勒布哈於丞相魯爾諭以通好十
一月大同白羊鎮巡檢張文煥遇敵兵於焦山戰歿
其妻聞之同日死一子貧寒十指俱墮帝命取至京
師月給米一石以終其身
質實 白羊山在大同東北天鎮縣北少
西三十里焦山砦在廣靈縣東北

○旺札勒布哈舊
作完者不花今改

存問蘇松嘉湖被水災民

濟饑民六萬二千八百餘戶戶賜米一石蠲逋租六
十五萬二千有奇十二月以蘇松嘉湖抗屢被水災

罷五府河泊所
以其利與民

六月五開蠻叛殺靖州指揮僉事過興以辰州指揮楊
仲名為總兵官討之

五開洞蠻吳面兒等作亂靖州衛指揮僉事過興以
兵三百捕之興父子為賊所執俱被害詔以辰州指
揮侯楊仲名為總兵官討之十月遣內官吳誠往諭
仲名且觀兵十一月仲名破諸蠻面兒遠遁帝復遣

既讀唐書而歎
息宦官之專橫
何以平一洞鑿
而兩遣侍詣
軍觀兵閱勝後
世監軍之失由
此滋觴尚得云
深鑒前轍儻
傳命四方哉

尚履奉御呂王詣軍閱勝是月帝兩使內官至軍云
帝嘗讀唐書至魚朝恩為觀軍容使謂侍臣曰漢
末宦官雖驕縱尚無兵權唐以兵柄授之馴至刳脅
天子廢典在掌握朕深鑒前轍左右服侍之外重者
傳命四
靖州街在
方而已
質實
州域內

秋七月蘇松揚台海溢遣使振之

質實

台州唐置元路
明改府今因之

八月免應天太平鎮江寧國廣德諸府州秋糧

冬十月河決蘭陽

詔免
其租

十二月遣僧宗泐等使西域

帝以佛經遺使遣宗泐偕其徒往求之十四年冬還
額泐蘇軍民元帥府拜哲萬戶府俱遣使隨宗泐朝

貢

質寔

宗泐字季潭臨海人。額埒蘇舊
作俄力思拜哲舊作已者今並改

己未十二年春正月始合祀天地於南郊

帝親作大祀
文并歌九章

遣征西將軍沐英擊洮州番大破之

洮州十八族番酋三副使汪舒朶兒嚶唃子烏都兒
等叛據納麟七站地帝命英討之復命李文忠往籌
軍事英至洮州舊城寇遁去追擊大破之擒三副使
等築城東麓山南川至洮州衛文忠言官軍守洮州

餉艱民勞帝曰洮州西控番州東蔽湟隴漢唐以來
備邊要地今番寇既斥棄之不守數年後將復為患
慮小費而忘大虞豈
良策哉卒置衛守之
質實
洮州舊城在今洮州廳西
十里即古洮陽城也後漢書西羌傳諸羌退聚洮陽
即此東麓山在洮州東番人耕種於此洮州衛明屬
臨洮府今為
廳屬鞏昌府

平羌將軍丁玉擊松州番平之

先是四川威茂土司董貼里叛以玉為平羌將軍討
之玉至威州貼里降指揮胡淵童勝擊降汶州叛酋
楊者七等詔置茂州衛仍命淵等從玉軍征松州及
是松州平玉遣指揮高顯城之遂併潘州於松州置
松潘衛時眉縣彭普貴作亂知縣顧師勝捕之為所
害賊等焚掠十四州縣玉回師討平之明年帝以松

州遠在山谷七種不給命罷之未幾指揮耿忠經畧其地言松州為番蜀要害地軍衛不可罷乃命復置

質實

松州唐置元屬吐蕃宣慰司明洪武十一年置松州潘州二衛尋并為松潘衛今松潘廳屬龍

安府威州唐維州宋改威州元明因之今裁歸保縣屬茂州茂州唐置明屬成都府今為直隸州汶州縣晉置明屬茂州今因之舊潘州在松潘衛北七百五十里本吐蕃潘羅支地宋崇寧中生番納土分潘州為上中下三州今漳臘營即故下潘州地眉縣西魏眉州元屬嘉定路明洪武九年降十三年復為直隸州今因之丁玉河中人初名國珍後賜名玉

二月給天下貧民鈔

又命審京民孤幼者戶給鹽十五斤孤寡者戶十斤

致仕而給復終身卹下之曲已至且仍其章服更足表異齊民乃樂予以誥勅優量其品秩加級無端而思及林泉於義實所取至朝廷尚爵鄉黨尚尤古今通義顧令其於異姓不爲容禮庶民以官禮謁見其俗微自齊之習母性明李紳士歸田肆行鄉曲百

夏四月給致仕官誥勅復其家

秩三品以上仍舊四品以下各加一級給誥勅八月又命致仕者復其家終身無所與其居鄉與宗族親黨相見序尊卑如家人禮異姓無官者相見不答禮庶民則以官禮謁見

蜀北平田租

六月遣都督僉事馬雲征大寧平之

秋七月以李文忠領大都督府事

冬十二月賜汪廣洋死

廣洋與胡惟庸同相惟庸所為不法廣洋知而不言占城貢方物使者至省部不以時奏帝以為壅蔽切

姓不敢與之相
抗貽患無窮皆
此舉有以釀成
之也

貴宰相廣洋懼御史中丞涂節言劉基遇毒死廣洋
宜知狀帝問之對曰無有帝怒責廣洋欺罔貶海南
每次太平遣使勅
責廣洋自繼死
質實涂節進賢人

徵元吏部侍郎已延資中不至飲鴆卒

已延資中初為元建昌教授江西盜起授分省都事
使守贛州而陳友諒兵已破贛已延資中問道走閩
陳友定素知之辟為行省員外郎已延資中出奇計
收復建昌浮海如元都獻捷累遷至吏部侍郎持節
發廣東何真兵救閩至則真已降於廖永忠已延資
中墮馬求死不得折其一足永忠釋之乃變姓名浪迹
江湖間帝求之不得簿錄其妻子已延資中竟不出
常齋鳩白隨誓不復仕至是江西布政使沈立本言
於朝以幣聘資中慨然曰死晚矣為
歌七章哭其祖父師友飲鴆死
質實已延資中西域人祖父仕江

西因家馬建昌宗置軍元路明改府今皆困之。已延資中舊作伯顏于中今改

庚申十三年春正月胡惟庸謀反及其黨陳寧涂節等皆

伏誅

劉基遇害及惟庸反狀皆自涂節發之及獄成而節亦同戮且以逆黨目之惟之於理殊未可信節如果為惟庸謀主寧不知事敗之必將自累乃轉以首惡

惟庸貪賄弄權無所畏忌劉基徐達吳伯宗韓宜可皆嘗言之其定遠舊宅井中忽生石笋出水高數尺諛者爭言瑞應又言祖父塚上夜有光惟庸益喜自負有異謀吉安侯陸仲亨自陝西歸擅乘傳平涼侯費聚奉命招降蒙古無功帝皆切責之二人懼惟庸陰以權利脅誘之令在外收輯軍馬又與陳寧坐省中閱天下軍馬籍令都督毛驤取衛士劉遇賢亡命魏文進等為心膂太僕寺丞李存義者太師善長弟惟庸兄女壻李佑父也惟庸令陰說善長善長驚愕曰爾言何為者若爾九族皆滅後十餘日惟庸又令

希圖倖免實情
事所以無從從
逆須有左証如
陳寧同坐省中
閱兵馬籍附如
之狀昭然若節
則并無一事載
在爰書而僅以
其黨兩字坐之
又何異於莫須
有之獄且陳寧
奸狀史傳所載
甚詳未嘗有一
詒及節而節亦
別無事蹟是寧
與節雖同以胡

存義告善長善長不能制惟庸乃遣指揮林賢下海
招倭與期會又遣元故臣封績致書稱臣於元請兵
為外應事皆未發會維庸子馳馬於市墜死車下惟
庸殺輓車者帝怒命償其死惟庸請以金帛給其家
不許惟庸懼乃與御史大夫陳寧中丞涂節等謀起
事寧性嚴酷其子孟麟數見寧怒杖之死帝惡其不
情曰寧忍於子而奚有君父耶寧懼遂與惟庸通謀
方汪廣洋之賜死也廣洋妻陳氏從死帝詢之乃入
官陳知縣女怒曰沒官婦女給功臣家文臣何以得
給勅法司取勘惟庸及六部成當生罪至是涂節遂
上變告時中丞高嵩請為中書省吏亦以惟庸陰事
告帝大怒命羣臣更訊詞連寧節廷臣言節本預謀
見事不成始上變告不可不誅乃誅惟庸寧并及節
善長仲亨等置不問惟庸既死其反狀猶未盡露至
十八年李存義為人首告十九年林賢獄成二十三
年善長仲亨家奴皆首發詞所連及生誅者三萬餘

黨見誅其虛實
判然可見蓋必
惟庸懷節發其
逆謀妄加誣引
而當時而不求
左驗遂行具獄
節遂無以自明
耳今以明史及
洪武實錄互證
之足以釋千秋
疑案後此藍王
之反載王強辯
不服屠戮叱王
吐實王言微即
我黨遂併殺
事正與此相類

人追數年

質實

明紀事本末正月戊戌惟庸說言第
中井出醴泉選帝臨幸帝許之駕出

西華門內史雲奇銜蹕道勒馬街言狀氣方勃舌熱
不能達意帝怒左右撻撻亂下雲奇右臂將折垂斃
猶指賊臣第勿為痛縮上悟登城望其第藏兵複壁
間刀槊林立即發羽林掩捕拷掠具狀磔於市與明
史及實錄不同按實錄正月癸巳朔甲午御史中丞
涂節告左丞相胡惟庸等謀反戊戌賜惟庸等死若
然正月二日惟庸已故告發不應戊戌尚有選帝幸
第之事蓋傳聞異詞云韓宜可字伯時山陰人官監
察御史封績河南人故元臣來歸命
之官不受遣還鄉不去謫戍於邊

罷中書省更定六部官秩改大都督府為五軍都督府

帝德惟庸亂政罷丞相以政歸六部部設尚書一人
秩正二品分大都督為中左右前後五府征調則隸

益可見當日新
獄者之實非信

識矣

李善長早從明

祖參謀蓋功成

爵列三公自當

休戚相關乃聞

惟庸逆謀並不

即時舉發幾致

變亂播成則亦

長之黨庇叛臣

知而容隱罪實

難逆明相置此

不問而後此以

星璣人賜善長死
未免輕重失宜

兵部二十八年勅諭羣臣國家罷丞相設府部院寺
分理庶政事權歸于朝廷立法為詳善以後嗣君

毋得議置丞相臣下
敢以請者置重典
質實
初設尚書正三品侍郎正
四品仍隸中書省十三年

陞尚書正二品侍郎正三
品五軍都督府正一品

始南北更調用人

北平山東山西陝西河南四川人於浙江江西湖廣
直隸用之浙江江西湖廣直隸人於北平山東山西

陝西河南四川廣東廣西福建用之廣西廣東福建
人亦於山東山西陝西河南四川用之考覈不稱職

及以事降謫者不分南北悉於廣東廣西福建
建汀漳江西龍南安遠湖廣彬州之地選用
明都江南後以北平為直隸此為南直隸汀州唐置
元路明府令因之龍南縣南唐置安遠縣蕭齊置明

而王國用猶且為之上書訟冤則更諫之甚矣

俱屬贛州府今皆因之

發明

考虞不稱職以事降詢者悉選用兩廣閩楚等處猶是唐宋選詢之意耳然三年吏部請

詢有罪於僭虐帝不許曰天下一家若風俗未淳宜更擇良吏治之何此制之不符也不稱職而今

治荒遠豈

良法哉

三月減蘇松嘉湖糧額

蘇松嘉湖在當時均元之土地士識竊援明祖兵爭同一非理及既皖一海宇則宜擴公視天下之量而偏私遷怒繫籍其富

初帝平吳楚蘇松嘉湖為張士誠守乃籍諸豪族及富民田以為官田按私租簿為稅額揚憲為司農卿又以北膏腴增其賦畝加二倍視地方倍蓰畝稅有二三石者蘇最重嘉湖次之杭又次之已而詔減四府極重田租之半然重者猶微至七斗以上至是復命戶部裁其額畝科七斗五斗至四斗四升者減十

畝重其租提同
係赤子獨令此
教郡而陶其何
以昭公溥之道
哉

之二四斗三升至三斗六升者槩徵三斗五升其以
下仍舊時蘇州一府秋糧二百七十四萬六千餘石
額與浙江通省
將其重猶如此

燕王棣之國

給賜燕山中左二護衛侍從將士五千七
百七十人鈔二萬七千七百七十一錠

沐英襲元將托和齊等於額齊訥路擒之

元國公托和齊知院按珠七和林帝命英率陝西兵
擊之英至靈州偵知托和齊等在額齊訥路遂渡黃
河經寧夏歷賀蘭山涉流沙七日夜至其境去敵營
五十里分軍為四垂夜銜枚而進合圍之擒托和齊
阿蘇盡獲其部曲以歸都督漢英又襲元柳城王孛
之至白城獲平章瑚圖克特穆爾至赤斤站獲幽王額琳

沁及其部曲
千四百人

質實

嶺齊納路見五年靈州漢靈州縣
後魏置靈州唐靈武郡元復為州

明改靈州所今州屬寧夏府賀蘭山在寧夏府西六十里
流沙方輿紀要在沙州衛西今燉煌縣西又瓜州北
有白城子今安西州北赤斤站元瓜州地明永樂中
建赤斤蒙古衛今玉門縣屬安西州漢英廬州人
托和齊舊作脫火赤阿蘇舊作愛足瑚因克特穆
爾舊作忽都帖木兒額琳沁舊作亦憐真今並改

夏四月命羣臣各舉所知

應舉至京者八百六十條人授職各有差

五月雷震謹身殿大赦

詔洪武十三年五月初三日以前罪無大小或除之
山西民為軍者二萬四千餘戶悉還為民釋在京及

臨濠屯田

輸作者

詔免天下今年田租

凡官員以罪黜罷情非實犯者還其職從征士
卒老疾者許以子代寡獨者有司資遣還鄉

六月雷震奉天門

帝避正殿省愆罷王府工役榜示天下凡軍民嫁娶
喪祭之物舟車絲布之類皆勿稅罷天下抽分竹木
場

置諫院官

左右司諫各一人秩正七品
左右正言各二人從七品

秋八月詔天下學校師生日給廩膳

米人日一升魚肉鹽醢之類皆官給之

九月置四輔官

帝以密勿論思不可無人乃建四輔官以四時為號詔天下舉賢才戶部尚書范敏薦耆儒王本等召至告於太廟以本及杜佑龔穀為春官杜穀趙民望吳源為夏官秋冬官缺以本等攝之俱兼太子賓客一月內分司上中下三句位列公侯都督之次勅以協贊政事均調四時既而穀等相繼罷本坐事誅復召安然李幹何顯周等代之然尋卒

質實 范敏閬鄉人幹出為知府顯周亦罷此職遂廢

王本不詳里籍杜佑安邑人龔穀鉛山人杜穀字致道壺關人趙民望藁城人吳源莆田人李幹絳州人何顯周內黃

人

發明

明祖置四輔官責以變理陰陽之事曰是年自春徂秋天災疊見秋暮天氣尚暄論本等

沐浴致齊精勤國務以均調四時本等奉命盡誠
建立冬朔風釀寒以成冬令感應之機如響云云
所謂務虛名而非實政也所舉諸人不過飾老更
引年之典何足以膺疑丞輔弼之任旋各誅罷亦
自知其
無益矣

冬十月安置翰林學士承旨宋濂於茂州道卒

宋濂既與議禮
之列又兼師傳
之任而太子驕
縱不奉詔未聞
其一語之勸其
他又何足稱史

濂傳太子十餘年一言動必以禮法諷諭使歸於道
至有闕政敬及前世興亡事必拱手曰當如是不當
如彼太子每敬容嘉納其孫慎坐胡惟庸黨被刑籍
其家械濂至京帝怒欲誅之皇后以濂親教授太子

家阿好之語不足信也

諸王乞殺其死帝意解發茂州安置明年五月行至
蔓州以疾卒瀟於學無所不通一代禮樂制作多所
裁定四方求文者非其人不與日本使嘗奉勅請文
以百金為獻不受帝問之對曰天朝侍從而受小夷
金非所以崇國體也海外諸國朝貢
至者必問瀟安否其卒也朝野惜之

辛酉十四年春正月元兵侵邊命徐達禦之

先是十三年冬十一月元平章旺扎勒布哈驤爾布
哈入桃林口犯永平指揮劉廣戰沒千戶王輅裏創
擊敗之擒旺扎勒布哈至是命達率湯和等討驤爾
布哈達率諸將出塞傅友德夜襲灰山克之沐英等
獲全寧四部以歸達仍鎮北平自
質實桃林山在永
是每歲春出冬暮召還以為常
平府北六十里

有桃林關灰山方輿紀要在故大寧城東北劉
廣羅田人○驤爾布哈舊作乃兒不花今改

定賦役籍

詔天下編賦役黃冊以一百十戶為一里推丁糧多者十戶為長餘百戶為十甲歲役里長一人甲首十人董一里一甲之事城中曰坊近城曰廂鄉都曰里凡十年一周先後以丁糧多寡為序里編一冊冊首為國經寡孤獨不任役者附十里後為畸零冊有四一進戶部其三布政司府縣各留一焉每十年有司更定其冊以丁糧增減而升降之二十年復命國子生分行各州縣隨糧定區區設糧長四人量度田畝方圖次以字號編類為魚鱗冊黃冊以戶為準魚鱗冊以土田為準魚鱗冊為經土田之訟質焉黃冊為緯賦役之法定焉

二月以鄭湜為福建布政司左參議

鄭氏素以孝義聞累世同居幾三百年有訴其家交通胡惟庸者提兄弟六人爭欲行提曰弟在其忍累諸兄乎自詣吏仲兄瀟先以狀長在京師提至迎謂曰吾家長當任其罪提曰兄年老吾自辦之萬一不直當服辜二人爭入獄帝聞之召見勞勉之曰有人如此肯從人為非乎擢提為參議十九年瀟坐事當逮從弟清曰吾家稱義門吾可不**質實**鄭提字仲持代兄死乎詣吏自誣服斬于市瀟字仲德清字仲宗金華浦江人宋鄭綺八世孫綺載宋史孝義傳六傳至文嗣旌為義門載元史孝友傳

三月大赦

詔曰朕撫育黔黎十有四年獄訟未清良由委任非人致陷刑辟今大赦天下與民更始

秋八月遣趙庸討閩廣盜平之

先是廣東右衛百戶翁顯討山寇房文廣力戰死之
住屢寇海上郡縣帝命南雄侯趙庸往鎮之至是平
陽春盜奏捷詔以俘囚數多命戮其魁散遣餘衆庸
又平南靖海陽程鄉諸盜海寇攻掠東莞南海及肇
慶翁源諸府縣庸率步騎舟師八道擊破之禽賊二
萬餘賊屬八十有奇斬馘五千餘獲兵器萬九千船
一千二百招降番禺等縣民三千
三百餘戶奏籍登戶萬人為水軍
南靖元南勝縣後改南靖明屬漳州府海陽縣晉置
明為潮州府治今皆因之程鄉縣蕭齊置明屬潮州
府今改嘉應直隸州東莞縣唐置明屬廣州府南海
秦郡隋縣明廣州府治西翁源縣梁置明屬韶州
府番禺秦縣明廣州府治東今皆因之翁顯
建昌新城人詔贈昭勇將軍都指揮僉事

河決原武

并決祥符中牟有司請興築帝以為天災令護舊規而已勿重困民明年春復決陝西朝邑其秋又決滎

澤陽

質實

原武漢縣明屬開封府今屬懷慶府中牟漢縣明屬開封府今因之朝邑縣西魏置

明屬同州今屬同州府滎澤縣隋置明屬鄭州今屬開封府陽武漢縣明屬開封府今因之

發明

禦災捍患經國之要務也苟恤民力則內發帑金以工代食何傷焉諺之天災而不亟籌

補救以為勿重困民幾於因噎廢食矣其後連年被水患至二十四年河決原武之黑陽山逼開封城僅五里而舊道遂淤豈非因循不塞之貽害哉

九月遣傅友德等征雲南

帝以雲南自恃險遠遣使招諭輒為所害乃以友德為征南將軍藍玉為左副將軍沐英為右副將軍率

步騎三十萬往征之論曰朕覽典圖識雲南阨塞當先遣騎將率一軍自永寧向烏撒而大軍自辰沅入普定分據要害然後進師曲靖曲靖雲南咽喉彼必并力於此以抗我師既下曲靖一將軍向烏撒以應永寧之師大軍直搗雲南破之必矣

質實

永寧元州
尋廢明復

雲南破分兵徑趨大理可毋煩刃也
置今屬貴州安順府烏撒宋烏撒部元路明軍民府今改威寧州屬貴州大定府沅州唐置元路明改州屬辰州府今改沅州府普定元路明府尋改衛今為安順府治曲靖本唐曲靖州地元并為路明改府今因之大理段氏有南詔地稱大理國元收附置路明改府今因之

冬十月壬子朔日有食之

制法司錄囚會翰林春坊官給事中集議以聞

會議平允然
後覆奏論決

免應天等五府秋糧

應天太平廣德鎮江寧國五府秋糧官田半徵民
田全免又免開封祥符等八縣及陳州被水田租

十二月命翰林春坊官考驗諸司章奏

令編修檢討典籍同左春坊左司直郎正字贊讀考
駁諸司奏啟平允則署其銜曰翰林院庶平駁諸司
文章事某官
某列名書之
質實
此翰林平駁之始至成祖初以解
縉黃淮等七人直文淵閣預機務
則翰林入閣之始司直郎從六品正字從九
品贊讀不常設餘詳十八年更定官制條

傅友德下曲靖元梁王巴咱爾幹爾密走晉寧自殺藍

王沐英遂克雲南

友德至湖廣遣都督郭英胡海等由永寧趨烏撒英等擊破蠻兵于赤水河平涼侯費聚安陸侯吳復趙普定友德王英辛大軍由辰沅趨貴州克普定普安梁王遣司徒平章達爾瑪將兵十餘萬屯曲靖以備沐英謂友德曰彼不意我師深入若倍道疾趨出其不意破之必矣友德是之遂進師未至曲靖數里忽大霧四塞衝霧行阻水而止則臨白石江矣頃之霧霽達爾瑪大驚友德欲渡英曰我兵疲恐為所扼乃率諸軍嚴陣若將渡者而奇兵從下流濟出其陣後張疑熾山谷間人吹一銅角元兵驚擾英急揮軍渡江縱鐵騎搗之生擒達爾瑪俘獲萬計友德悉撫而縱之使各歸業蠻人皆喜慰友德自率衆擊烏撒分遣藍王沐英趙雲南先是梁王以女妻大理酋段得功嘗倚其兵力後以疑殺之失大理援至是敗

度不能支乃走晉寧州之忽納砦焚其龍衣驅妻子
赴滇池死與其左丞托迎右丞魯爾夜入草舍俱自
經死王英師至板橋右丞觀音保以城降王等整軍
入城戒輯軍士撫定其民友德擊破烏撒蠻遂城之
又克七星關以通畢節迨至可渡河於是

質實

晉寧州

東川烏蒙芒部水西諸蠻皆望風降附
置郡元置州明因之今屬雲南府明史偽作普寧赤
水河在永寧州東南百四十里普安元路明州今屬
貴州南龍府白石江在曲靖府南寧縣東北八里源
自馬龍州界流經此下流入南盤江忽納砦在晉寧
州西滇池在雲南府城南一名昆明池延袤三百餘
里晉寧州西三里有海寶山相傳下有竇滇池之水由
此瀉入潞江府之龍泉溪板橋驛名在雲南府昆明
縣東三十里七星關在貴州大定府畢節縣西七星
山上下臨七星河有城當雲貴川三省之交為喉吭也
畢節明衛今為縣屬大寧府可渡河在今威寧州南

九十五里河南雷益境河北烏撒境東川元路明軍
民府屬四川今府屬雲南烏蒙元路明軍民府屬四
川今改昭通府屬雲南芒部宋時蠻名元路明改鎮
雄軍民府今為州屬昭通府水西蠻地名黔記蜀漢
時蠻大濟從諸葛武侯南征有功封羅甸王凡數十
世保有水西之地明時土司安氏即其後也本朝
康熙間安氏叛討平之置黔西府後改州屬貴州大
定府郭英濠人郭子興弟胡海字海洋定遠人觀音
保後為金齒指揮使賜姓名寺觀○達爾瑪舊作
遠里麻托迪舊作遠的魯爾舊作鹽兒今並改

發明

梁王分藩南徽撫治有方力抗蜀夏之師危
而復安及庚申北去中土已非元有而王守

雲南自若歲遣使自塞外達和林行在執臣節如
故者十餘年明師南下一木不支恥為銜壁之謀
甘同蹈海之節雖田
橫不辱何以加焉

壬戌十五年春正月命編類蒙古譯語

帝以前元素無文字但借高昌之書製為蒙古字而譯語未有成書難以通曉乃命翰林院侍講和約爾濟勒編修瑪實伊克等以華言譯其語凡天文地理人事物類服食器用具載復取元秘史參考紐切其字以諧其聲音既成詔刊行之自

質實

和約爾濟勒舊作大原潔

瑪實伊克舊作馬沙亦黑今並改

命朝覲官各舉所知一人

帝諭之曰古之薦舉者以實不以名後世徇名而遺實故治不如古今爾等來朝其各舉所知有一善可稱一才可錄者皆具實以聞朕隨才用之

二月遣駙馬都尉李祺振河南水災

質實

李祺善長子
尚臨安公主

閏二月藍玉沐英克大理禽土酋段世屬郡悉下雲南
平

先是景川侯曹震定遠侯王弼分兵下臨安威楚諸
路及是王英帥師至大理大理城倚點蒼山西臨洱
河以上下二關為固土酋段氏聞大兵且至聚衆扼
下關英攻之不克乃命王弼等由洱水東趨上關自
以兵綴下關為犄角勢別遣胡海夜從石門間道渡
河繞出點蒼山後援崖而上立旗幟昧爽軍在下關
者望見之皆躍譟衆驚亂英身先士卒策馬渡河
水沒馬腹將士隨之胡海之師亦自山而下遂斬關

入拔其城世就擒分兵取鶴巖麗江破石門關下金
岳於是詣蠻部皆下雲南平置都指揮司布政使司
置貴州都質實臨安古句町國元臨安路明改府今
指揮司質實因之威楚元路明改楚雄府今因之

點蒼山在大理府太和縣西山高千餘仞有峰十九
懸瀑注十八川蒼翠如玉蒙氏嘗封為中岳洱河在
大理府城東即茱榆水源出浪穹縣羅谷山上下二
關上關曰龍首關在太和縣北七十里當洱河之首
下關曰龍尾關在太和縣南三十里當洱河之尾皆
南詔皮羅閣所築石門間道方輿紀要云大理府西
南三十五里一曰石馬橋亦曰天橋自河尾順流而
下有石門巨石橫亘是下關亦兼石門之稱鶴慶元
路明改府麗江元宣撫司明改府今因之石門關在麗
江府舊通安州西大理府北八十里當點蒼山之背
唐時石門南道也金齒百蠻之俗以金裹兩齒者曰
金齒蠻元初置金齒宣撫司于銀生崖甸後以遠不

可守移於近地今雲南永昌府治是也曹震濠人王
弼定遠人後使臨淮段世初元憲宗取雲南至大理
段志興降乃封智興為摩訶羅嗟管領八方由是
段氏世守大理至段實已十傳世實之子也

夏四月段大理寺卿李仕魯

帝頗好釋氏教詔徵東南戒律僧數建法會於蔣山
應對稱旨者輒召入禁中賜坐講論時寄以耳目諸
僧怙寵請為創立職官於是設左右善世開教等皆高其
品秩道教亦然仕魯疏言陛下方創業意指所向即示于
孫萬世法程奈何舍聖學而崇異端章數上不聽仕
魯性剛介以闢佛自任及言不見用遂乞骸骨置笏
帝前帝大怒命武士質實李仕魯字宗
并將之立死階下孔濮州人

免畿內浙江江西河南山東田租

儀鑒管領校尉
所掌惟陳列函
簿為宜無端而
改為錦衣且責
以緝捕刑獄之
事則任過其職
實為未允明祖
止圖取便一時
而不復計其流
弊迨成化正德
以後漫假而寄
之事權馴至未
流益復隸於東
廠於是緹騎橫
行詔獄四出遂
成大患作法於

置錦衣衛

初置拱衛司管領校衛三年改為親軍都尉府而設
儀鑒司隸之至是罷儀鑒司改置錦衣衛掌侍衛緝
捕刑獄之事鎮撫司隸馬帝時有所誅戮輒下鎮撫
司雜治不由三法司其從校五百人祿秩名號無異
京衛軍士而獨不隸大
都督府稱為親軍
十七年改
正三品

質實

拱衛司秩正七品儀鑒司
正五品錦衣衛秩從三品

旌表遼東高希鳳家

元臣名祖自定遼東歸帝問遼東風俗名祖言俗尚
禮教往年石城有高希鳳者本光州固始人戊戌秋
在遼東老鴉寨為亂兵所掠斷腕死其妻劉氏被虜
罵不絕口死之希鳳仲弟藥師努亦死於亂妻李氏

携其子文殊及孤姪僧保徃高麗避難中途度不雨
全以其子差長棄之孀姪以行及明興遼民復業李
氏訪得其子同歸守夫墓希鳳季弟布延布哈為納
克楚所故妻郭氏高麗人居渾源自繼於馬掘希鳳
從子達寶昂為仇誣臨死妻金氏與姑邢氏繼於魚
焉又言定遠南河寨幹羅村有卒裴皮錢者死其妻
李氏女直人年二十三後二年葬其夫自經於喪鄉
人合葬焉帝即日詔旌表希鳳家為五節婦之門裴
皮錢家為貞節之門
質實 石城縣金置尋省在今遼陽州東北
五十七里石城山之下因始漢縣明
屬光州今因之○藥師勞舊作藥師奴布延布
哈舊作伯顏不花達寶昂舊作塔失丁今並改

五月帝詣國子監釋奠於先師

初以應天府學為國子學至是太學成改學為監帝
親行釋菜禮命祭酒吳顯等進講遂親帥尚書大司

奉陶謨洪範大旨賜宴還監分六堂以館諸生
厚給廩餼歲時賜布帛文綺諸令節俱賜節餼
實實

吳頌河南人
以儒士舉

流廣平府吏王允道於嶺南

允道請開磁州鐵冶帝曰朕聞治世無遺賢不聞無
遺利今軍器不乏若復設此必重擾民杖之流海外
實

實磁州唐置元升滏源軍明州屬
河南彰德府今屬直隸廣平府

秋八月復行科舉

三年一行為定制時雖復科舉而監生與薦舉人才
參用者居多嘗權監生劉政等六十四人為布政使
察使及參政副使等官或用為御史給事中而薦舉
之途尤廣賢良郭有道秀才范敏曾泰稅戶人才鄭

所儒士趙鼎皆起家為尚書其

質實

曾泰江夏人鄭

他由布衣登大僚者不可勝數
弟二十六年擢國子生劉政
等為福建左布政使等官

皇后馬氏崩

后勤於內治暇則講求古訓以宋多賢后命女史錄
其家法朝夕省覽或言宋過仁厚后曰過仁厚不愈
於刻薄乎帝前殿決事或震怒后伺帝還宮輒隨事
微諫帝為緩刑戮帝幸太學還后問生徒幾何帝曰
數千后曰人才衆矣諸生有康食妻子何所仰給帝
遂立紅板倉積糧賜其家諸將克元都俘寶玉至后
曰元有事而不能守意者帝王自有寶殿帝曰后意謂
侍賢為寶耳后拜謝曰誠如陛下言及寢疾羣臣請
禱祀求良醫后謂帝曰死生命也禱祀何益且醫何
能活人使藥不效陛下能不以妾故而殺諸醫乎疾

革帝問所欲言曰願陛下求賢納諫慎終如始子孫皆賢臣民得所而已丙戌崩年五十一帝慟哭服喪十五日遂不復立后命內外臣民服三日喪音樂祭祀停百日其嫁娶文官停百日軍民停一月諡曰孝慈皇后

九月葬孝慈皇后

葬於孝陵實孝陵在今江寧府上元縣東北朝陽門外當鐘山之陽明太祖陵也今設陵戶守衛

禁樵牧

選僧侍諸王

高后崩諸王奔喪將還帝命各以一僧與之令誦經修佛事吳僧道衍先以宗泐薦名在燕府藉中見燕

諸王之國令換僧與俱既非政體且方外之人經涉世務鮮有

不生覺滋事者
顧使之濶名落

籍其意何居雖

後此燕邸補兵

構興家難由時

事相激而成然

非道衍邪說詭

謀乘機蠱惑或

不至遂萌逆志

明祖開國規模

頗為濶大而垂

裕之道實之遠

圖此時心不經

意而已有毫釐

千里之差矣

王棟即深相納數以實實道衍即姚廣
奇謀進棟甚信任之孝長洲人

冬十月更定都察院官制

初吳元年置御史臺設御史大夫中丞侍御史等官
十三年罷臺至是更置都察院設監察都御史八人
分監察御史為十二道明年設左右都御史
左右副都御史各一人左右僉都御史二人
實實明

職官志御史大夫從一品中丞正二品侍御史從三

品十五年設監察都御史正七品浙江河南山東北

平山西陝西湖廣福建江西廣東廣西四川十二道

御史正九品十六年陞都察院左右都御史正三品副

都御史正四品僉都御史正五品十七年陞都御史正

二品副都御史正三品僉都御史正四品十二道監

察御史正七品永樂十九年罷北京道增設雲南

貴州交趾三道宣德十年罷交趾道始定為十三道

十一月置殿閣大學士

以禮部尚書邵質為華蓋殿大學士翰林學士宋訥為文淵閣大學士檢討吳伯宗為武英殿大學士典籍吳沉為東閣大學士又置文華殿大學士徵者儒鮑恂余詮張長年為之以輔導太子秩俱正五品當是時以翰林春坊詳看諸司奏啓兼司質實宋納字敏平吳大學士特侍左右備顧問而已仲滑縣人吳沉字濬仲蘭溪人鮑恂字仲孚崇德人余詮字士平豐城人張長年高郵人

癸亥十六年春二月令天下學校歲貢士於京師

時諫官闕賢言國朝崇儒期為用也奈所司非人師道不立及至選貢賢愚混淆甚至市政按察司將俊秀生員充承差有非育才之意宜令府州縣學歲貢生員各一人中式則賞及所司教官否則令如律生

罰為吏從之命天下學校自明年始歲貢生員各一人正月至今翰林院試經義四書義各一道判語一條中式者入國子監不中式者罰之

三月詔傳友德班師命沐英留鎮雲南

明年春師還論功封友德潁國公藍玉等爵及子孫仍封賞有差其後沐氏遂世鎮雲南
世鎮雲南英子春晟昂及晟子斌昂孫璘璘弟璘斌子琮贊孫崑崑子紹勛紹勛子朝輔朝弼朝弼子昌祚昌祚子敬嚴子啟元啟元子天波皆相繼鎮雲南明代終始

復鳳陽臨淮二縣民世世無所與

諭戶部曰鳳陽朕故鄉皇陵在焉昔漢高帝生於豐起于沛豐沛之民終漢世受惠朕今永免鳳陽臨淮

二縣稅糧徭
後其榜諭之

夏五月免畿內各府田租

先是振大同饑免寧國逋租至是詔免應天太平鎮
江寧國廣德五府田租又免畿內十二州縣養馬戶
田租一年淞
州免二年

秋八月壬申朔日有食之

冬十月安陸侯吳復卒於普定

復征普定攻破諸路山寨由關索嶺開普道取廣西
泗城州蠻寨前後殺戮甚衆至是卒於普定追封黔
國公謚威毅妻楊氏年十七視殯畢沐
浴更衣自經死事間贈貞烈淑人

質實

關索嶺在
普定南五

十里明置守禦千戶所泗城州
宋置明初移置古礪洞今改府

甲子十七年春三月頒科舉條式

子午卯酉年鄉試辰戌丑未年會試試各三場第一
場試四書藝三篇經義四道四書義主朱子集註易
主程朱傳義書主沈蔡傳及古註疏詩主朱子集傳
春秋主左氏公羊穀梁胡安國張洽傳禮記主古注
疏第二場試論一判語五詔語章表內科各一第
三場試經史策五其應鄉試者國子學生及府州縣
學生之學成者儒士之未仕者官之未入流者皆由
有司申舉其罷閒官吏及倡優之家與居父母喪者
皆不許入試鄉試中式者各布政使司
送禮部會試會試中式者應赴殿試

曹國公李文忠卒

文忠器量沈宏常師事金華范祖幹胡翰通曉經義其釋兵家居恂恂若儒者常勸帝少誅戮諫帝征日本又言寵宦者過甚非天子不近刑人之義及疾帝親臨視使淮安侯華中護醫藥至是卒年四十六御製文祭之追封岐陽王諡武靖帝疑中毒之質實忠賊中爵故其家屬於建昌諸醫並妻于昏斬

帝姊子初賜姓朱氏范祖幹字景先

胡翰見二年華中定遠華雲龍子

大赦

秋七月禁內官預外事勅諸司毋通內官監文移

諭侍臣曰官寺與外臣交通召視動靜夤緣為奸佞竊威權以亂國家為害非細故也朕為此禁所以戒未然

耳

盱眙人獻天書誅之

縣民有偽造天書獻者命斬之

質實

盱眙秦縣明屬泗州今因之

八月河決開封杞縣

決開封東月堤自陳橋至陳留橫流數十里又決杞縣入已河遣官塞之鋤被災租稅開封府城東北二十里已河在陳留縣東北三十五里一名泌水黃河之支流也

質實

陳橋驛在

九月免西安府旱災田租

凡十三萬三千九百餘石

冬十月冊李氏為淑妃攝六宮事

妃壽州廣武衛指

揮僉事李傑女

河南北平水遣使振之

閏十月詔天下刑獄刑部都察院詳議大理寺覆讞奏

決

諭刑官曰王良善御豈在于策周公善治豈在於刑刑者輔治之具用之不可不詳故每令三審五覆無非求其生而已

十二月弛中表相婚禁

翰林待詔朱善言民間以姑舅兩姨之子女法不當為婚讐家許訟或已聘見絕或既婚復離或兒女成

行有司逼奪按古重世婚其顯然可證者如溫嶠之
玉鏡臺以舅之子娶姑之女也呂蒙公夫人張氏待
制張昱之女而待制夫人即崇公母申國夫人之姊
非以小姨之子娶大姨之女乎朱子小學有取焉今
江西兩浙此弊尤甚訟獄繁興賄賂
公行願下羣臣議弛其禁上報可
質實 朱善字備
萬豐城人

乙丑十八年春二月雷電雨雪詔臣民極言得失

國子監祭酒宋訥獻守邊屯田策每將以東西五百
里為率國子監博士高允憲言察郡縣明勸戒學正
陳潛夫言獎直臣簡師
儒勵廉恥審用人四事

太傅魏國公徐達卒

達言簡盧精屢為大將善射術與下同甘苦士無不
感恩致死尤嚴戒少佐所平大都一省會三郡邑百

數問并宴然歸朝之日單車就舍延禮儒生議談終日在帝前恭謹若不能言帝常稱之曰受命而出成功而旋不矜不伐婦女無所愛財帛無辭取中正無疵昭明乎日月大將軍一人而已先是太陰犯上將帝心惡之時達在北平台還有疾帝為禱于神至是辛帝震悼輟朝追中山王謚武寧賜墓鍾山之陰御製神道碑

文紀其功子

質實

徐輝祖初名允恭達長子

三月始選進士入翰林及為庶吉士

帝廷試進士擢一甲丁顯祿于寧黃子澄俱賜及第為翰林院修撰二甲賜進士出身馬京等為編修吳文為檢討李震為承勅郎陳廣為中書舍人三甲賜同進士出身蹇瑤等為中書舍人命進士觀政於諸司其在翰林院承勅監中書六科者曰庶吉士在六部都察院諸司者仍稱進士引奏下第舉人俱為教

官

質實

進士及翰林及庶吉士觀政進士之名俱自此始永樂二年乃定制以庶吉士專屬翰林

丁顯建陽練子寧名安以字行新塗人黃子澄名湜以字行分宜人會試第一馬京武功人塞瑤巴縣

人名義

字宜之

免應天太平寧國鎮江廣德滁和七府州田租

命天下郡縣掩骼埋胔

定翰林院官制

先是翰林無常員亦無定秩至是更定品員學士一人正五品侍讀侍講學士各二人從五品侍讀侍講各二人正六品始以侍讀先講講史官修撰從六品編修正七品檢討從七品俱無定員其待書待詔則

不常設

質實

明史職官志吳元年置翰林學士正三品待講學士正四品直學士正五品修撰典

簿正七品編修正八品洪武二年置學士承旨正三品改學士從三品修撰正六品增侍讀學士從四品待制從五品應奉正七品典籍從八品十三年增檢閱從九品十九年定學士正五品罷承旨直學士應制應奉檢閱典簿而設孔目五經博士侍書侍詔檢討

夏四月思州蠻叛命楚王禎率湯和等討平之

思州諸洞蠻叛命和為征虜將軍周德興為副將軍帥師從楚王禎討之和等分七諸洞立柵與蠻人雜耕作以計禽其魁餘黨悉平先是吳面兒既遁帝諭楊仲名不必窮追九月面兒寇古州復命禎率和平等討之和至古州擊平諸洞禽面兒送京師誅之俘獲四萬禎還藩親王統兵自此始

質實

思州唐思

州地元安撫司明初設宣慰司永樂十一年改府今因之

秋七月遣使封高麗國王禍

先是高麗貢使數至帝皆不納諭政府令遣官往視嗣王如何政令安在若政令如前璽不被拘囚則當依前王言歲貢馬千匹明年貢金百斤銀萬兩良馬百細布萬匹悉送還所拘遼東民方見王位真而政令行否則殺君之賊必討無赦以後屢勅邊吏絕之十七年六月禍遣使貢馬二千匹言金非地所產願以馬代餘皆如約許之是年正月貢使至帝諭禮臣曰高麗請約未不已故索歲貢璽試其誠偽非以此為富也命既聽命宜損其貢數令三年一朝貢馬五十匹至是禍上表請襲爵并乞故王謚乃遣封之賜

故王顯謚恭愍

八月振河南水

九月太白經天

戊寅經天與熒惑同度丁亥晝見犯熒惑

冬十月頒大誥於天下

帝患民姪元習徇私滅公乃輯官民過犯條為大誥其目有十頒學宮以課士里置塾師教之四有能讀大誥者罪減等其後復命刑官撮大誥條目要畧附載於律謂之律誥而大誥所載諸峻令未嘗輕用云

十一月免河南山東北平湖廣田租

十二月平緬宣慰使思倫發叛

文告教人已屬末具在昔殷周誥誓高誦時況世風遞降更在數千年以後耶然學宮里塾以為教課之資不過空言無補尚不致有流弊若罪囚能讀即

與減等則凡罹網者且得恃大語為護符法因之廢成何政體乎

先是大兵下金齒平緬壤地相接思倫發懼請降詔以為宣慰使尋又命兼統麓川之地至是思倫反率十餘萬寇景東都統馮誠禦之會天大霧官軍失利千戶王昇戰死

質實

平緬古百蠻地元置麓州

平緬二路明初并為麓川平緬宣慰司後改隴川宣撫司今雲南永昌府騰越州東北距布政使六十六程景東南詔銀生府元置開南州明為景東府今改廳

丙寅 十九年春二月振河南饑

復遣御史蔡京等檢核振濟不及者三千一百戶補給之典賣男女者官為收贖六月青州鄭州埜皆遣官振

質實

青州劉宋置元益都路明青州府今因之

夏五月妖僧彭玉琳等作亂誅之

玉琳福建將樂縣陽門巷僧初名全無用行脚至新
淦自號編勒佛祖師作白蓮會縣民楊文魯尚牧等
惑之同謀作亂玉琳稱晉王建元天定偽置官屬
知縣率民兵掩捕之械玉琳并其黨送京師伏誅
實將樂縣三國吳置明屬延平府新淦秦縣
元升州明復為縣屬臨江府今皆因之

六月詔有司存問高年

貧民年八十以上月給米五斗肉五斤九十以上歲
加帛一疋絮十斤有田產者罷給米應天鳳陽富民
年八十以上賜爵社士九十以上鄉士天下富民年
八十以上里士九十以上社士皆與縣官均禮復其
家鰥寡孤獨者
歲給米六石

秋七月詔舉經明行修練達時務之士

年六十以上者置翰林備顧問六十以下於六部布按二司用之

冬十二月癸未朔日有食之

御定資治通鑑綱目三編卷二